



Press Release No. 10/433
FOR IMMEDIATE RELEASE
November 15, 2010

International Monetary Fund
Washington, D.C. 20431 USA

Izjava osoblja misije Međunarodnog monetarnog fonda za Bosnu i Hercegovinu

Misija Međunarodnog monetarnog fonda koju je predvodio Costas Christou posjetila je Bosnu i Hercegovinu (BiH) u periodu od 02.–15. novembra/studenog kako bi sa vlastima vodila razgovore o četvrtom pregledu po Stand-by aranžmanu (SBA). Po završetku misije, gosp. Christou je danas u Sarajevu dao sljedeću izjavu:

„Misija osoblja MMF-a je ocijenila provođenje i buduće prospekte u okviru Stand-by aranžmana. Nakon pada ekonomske aktivnosti u 2009. godini, uslijedio je oporavak vođen izvozom. Ove godine se očekuje pozitivan rast ekonomske aktivnosti koji će u 2011. godini dostići 2 ¼ procenta. Ostali ohrabrujući znaci uključuju ubrzaanje u prikupljanju indirektnih poreza i dobici po osnovu preradivačke industrije.

„Provođenje Stand-by aranžmana je uglavnom bilo po planu. Svi kriteriji izvršenja i strukturalne odrednice postavljene za kraj septembra/rujna 2010. godine su ispoštovani, a ostvarivanje fiskalnih ciljeva za kraj 2010. godine, uključujući i deficit konsolidovane generalne vlade od 4 ½ procenta BDP-a je na dohvat ruke. Od ključnog značaja će biti i dalje ograničavati rashode posljednjim mjesecima godine.

„Što se tiče budžeta za 2011. godinu, postoji dogovor u pogledu ciljanog deficita konsolidovane generalne vlade koji bi trebao iznositi do 3 procenta BDP-a. Iako razgovori o budžetima za 2011. godinu Institucija BiH i entiteta značajno napreduju, nisu se mogli finalizirati tokom boravka misije u BiH. Misija i vlasti su utvrdile niz mjera u pogledu politika koje su neophodne da bi ostvarili dogovoreni cilj i zatvorili preostale finansijske deficite. Ipak, jasno je da preuzimanje odgovornosti za i usvajanje ovih mjera mora sačekati uspostavljanje novih vlada.

„Misija je takođe razgovarala i o pitanjima stabilnosti finansijskog sektora, uključujući i ažurirane stres testove i trendove u vezi izloženosti stranih banaka majki u BiH. Ohrabrujući su znaci da je, usprkos negativnim trendovima u nekvalitetnim kreditima i profitabilnosti, bankarski sektor i dalje stabilan i adekvatno opskrbljen kapitalom.

„Razgovori sa vlastima će se nastaviti čim proces uspostave novih vlada uznapreduje, a sve u cilju postizanja sporazuma na nivou osoblja o zaključivanju četvrtog pregleda po Stand-by aranžmanu.“